

汝南周氏族谱资料

平潭县周氏修谱委员会编印

一九八八年九月

目 录

- 振榕公志世谱之族派传略序..... (1)
- 议置本支公业论序..... (2)
- 望后贤续修族谱序..... (3)
- 立善公敬书汝南谱序..... (4)
- 积先公原上世姓氏及宗派人物序略..... (5)
- 友高公原上世发派序..... (6)
- 宗道公原宗祖从朝号为氏序..... (7)
- 维拔公推汝南周源流序..... (8)
- 全亮公推究吾族源流序 公为泗州知州..... (11)
- 南山支鹿石公谱序 公清观城知县..... (12)
- 鹿石公肃拜浔洋佛公祖坟序..... (14)
- 寿塘支载朔迁谱序 即后周支..... (15)
- 龙溪支谱序 即下周云再公志..... (16)
- 又 序 长武公志..... (17)
- 长乐感恩岑公谱序 即坦村支..... (18)
- 艮岩支族谱序 艮岩石门艮岩山也复真公始居之地..... (19)
- 又 序..... (20)
- 藤山支世谱序略 藤山即闽县下渡地方..... (21)
- 榕潭支平海侯九玄公内召荣耀序 阆郡李光春赞文..... (23)

附志道国公濂溪先生历代迁徙事迹	
及故里图说与累朝封赠.....	(25)
本支积先公分别予家源流.....	(27)
志上世得姓受氏发祖封邦事.....	(28)
志文武周公之派世袭爵位.....	(32)
志汝南郡人物.....	(33)
志汝南派事实.....	(36)
志龙江族派人物事迹.....	(38)
志族人迁徙事故.....	(42)
增修谱序.....	(44)
朔 本.....	(45)
二十一—二十七世系表.....	(49)
总修平潭县周氏族谱序.....	(56)
新改行第与各村代表.....	(62)
平潭周氏各村人口统计.....	(64)

振榕公志世谱之族派传略序

大凡各家之谱，失则源本亡而支派混，存则来历真而世系明。此孝子贤孙所以不能不留神也。然我之石井周氏，自唐僖宗时由汝南之固始，入吴为仕，后由吴而入闽。代有名人，子孙既为蕃衍，宗派亦为星居。而家乘尝各备志其源流，使历历可考也。特不幸人丁累朝之易姓升革，老成则流移凋谢，谱牒则煨烬蠹蚀。所以各支所载略，而前者皆失其目见，后者即志其耳闻。虽不至浑混莫辨，而真详者有终难耳。顾予尝慨其世远而族繁，世远则中叶之祖乔迁莫定。或云自五代；或云自宋元；或云自大明年。世虽为日久，而其实总是汝南郡固始之旧派也。而族繁则炽昌之派散处难稽。或居于福宁、古田；或居于长乐、连江；或居于漳浦蒲阳。聚族虽为各方，而其实总是闽海地石井巷之世裔也。然则予之南院支，自石井发派以来，而谱牒既已遗失，源委但为略志。虽欲详载真实，亦无从考核耳！惟望皇天后土福佑我支，使后世有峥嵘孙子，敦诗习礼，题雁塔之名，对策上表，传龙墀之唱以亢吾宗，顾予大所愿也。凡若闽海所星之族类，而由予谱之于汝南固始者，以稽乎各支之家乘，则地郡邑之来历，虽为纷纭不一。总而论之，详而辨之，则世系宗派之异同，与水源木本之存失，未尝不井然而获其一二之中。留貽以补家私乘之残缺，以承先志而培其同本根，敦其各枝叶。可免乎不孝不贤之憾，信有然矣。

议置本支公业论序

凡名族，非专靠祖宗显耀，惟在子孙重礼教崇信义敦诗书，而宗庙巍峨，科目蝉联，支派蕃衍。虽曰祖宗积德之报，亦由有公业以扶，族运以培家风也。夫公业者何也，祭田也书田也义田也。使无祭田，而衾祀蒸尝，或兴或废，宗祖难免怨词。使无书田，而灯火书藉之需，或能关否，则俊秀之志趣必有废弛。使无义田，而婚姻丧葬之用，或作或辍，则萧条之子姓不无凋谢。是故名公大人身为宗功，心存仁孝。上思祖宗下念子孙，中及族人。凡有家资余囊，不以私肥妻子，而以公建族业。置其祭田，寝庙孔安享祀丰洁，则子孙有思成之慕。立其书田，科岁无告匱之忧，而科名庶有蒸蔚。设其义田，窘乏有周济之乐，而族属方得昌炽。则礼教可以兴，信义可以复，何其巍然一名族也。凡世有仁厚之心，能勿动念耶！乃若谱中所叙之远祖，其功德显耀，修谱之套文何足荣也。而当今予之北坂支派，不过数百人。祖上非无些少公业，皆为不肖窃卖。族人不无一二富足，而豪兴乐需。然予力微而言轻，故有志而未逮。但与族派一二善人，即存积德之心而已。惟望皇天不负仁孝之善心，俾予之族中，笃生贤裔。幸有富贵利达之日，儆名族创公业之规例，而择族属之贤良，主会计时出纳。则建祠设祭孝祖敬宗，有资于祭田。诵诗学礼著姓显名，得赖于书田。而一穷困之宗派，以绵嗣续者可依于义田。则族运方得克

昌。厥后而斯时之显荣，虽不敢拟于世家名族，而礼教之重信义之崇，可以少望于予族，而慰予思耳。但予族之贤孙子思之，能为此美事，身为宗功名为仁孝，岂不欣然大畅哉可勿勉诸。

时

崇禎癸未年蒲月谷旦云孙庠生 君颺 志。

望后贤续修族谱序 亦君颺公撰文

凡世之修明谱传者多出于名望族人，与有余力者。而信者传之疑者阙之，即为孝子贤孙，亦虑其不能有功而无罪。其书之全有真确者既为有功，而微有失实者犹为有罪耶。若夫予族之谱当走一之时，其祖宗非不志载真详，支派非不条列周备。后当离乱遗亡，而所纪序者残缺失次无从考实。即欲修明之功固难冀罪实易招。虽互考订不殫烦扰，亦未易全璧也。然而吾家先人竟冥然无所顾忌而任其责，虽未能鸠我龙江族人总修族牒谱，而仅草志我浔阳本支之谱。录其所存、舍其所失、登其所见采其所闻乃出于一片不得已苦心恐失其源流之来历。所以即无功而有罪俱顾也。倘后世有高识名人参观各支之家乘，考究本支之旧迹，凡谱之有阙者补缀之，谱之有缀者裁而改之，岂不大慰余心也。今我 清新定鼎北京，世当升平。自此以后子姓繁兴必不至流离失所，南北乔迁难以稽考。凡世系之昭然耳目而可备志其始末，是为有功而无罪之时也。我族人有余力者与有名望者，或为族谱或为支谱，可不勉旃而续修之。

立善公敬书汝南谱序

自古及今凡各族姓氏，俱有上祖之源本。如张道陵天师之祖汉相张良有谱而可凭。唐李渊天子之祖老公李耳有应见而可言。乃若古来之为周家姓氏，道家通考云有玉清元始天尊，为上古分天立极以尊立姓为周共名为靖。生十三子长子玉皇次子天皇，迨至五帝以后路史载有周昌黄帝名臣。四书载有周任为古之良史。其神明者自上古至三代封神时不特周武周纪二人而已。若与予族之初周氏或为一脉乎，或非一脉乎。久远莫稽无所志验，何敢肆然冒认支派蒙混血脉也耶。是故明太祖朱元璋贵为天子，犹不认近朝之先贤朱熹为祖先。况予之寒微小族尚可附久远者至著之名人为昭穆，而安可认久远至尊之神圣为宗祖乎。倘不兢兢安分，冒渎强附，不特为世所鄙，难免上天谴责悔之莫及矣。惟是予家之姓氏族谱可得而考之，尚友录云太王邑于周，文王以国为氏。留青集云岐阳启氏巩洛分封，史记云汉兴封周后于河南为周子南君，后食采汝南郡之汝宁府光州固始其属地也。其支派皆称为姬姓周氏。今予之龙江周氏其祖地固之始也，与石门为一派。松潭清浦为分支、同祖黄仑也。然予族之入闽祖翰林学士维岳公，于唐末光启时自固始来仕，子孙繁处省城。至常安公为官长乐吴杭，其子随任有百禄百爵二公，后子姓自罗阳迁坦村，末子孙弟侄又来居黄仑周宅，称为汝南派。其谱牒所载之祖先，庶可录以示后人也。

积先公原上世姓氏及宗派人物序略

凡上世姓氏之分辩，其礼制之所由来者旧耳。盖称姓者所同也，历世而不变更者。所以存其本使万古可溯其根源也。而称氏者所独也，由各代而改易所以判其族，使千年可辨其支派也。是古人各有姓氏，如舜也原为姚姓而为虞氏。禹也原姒氏而为夏氏，豹与鲁同姓也而为孙叔氏，牛与宗同姓也而为司马氏，躬与晋同姓也而为羊舌氏。可知姓为正姓而统于上，氏为庶姓而别于下，其古制昭昭可考也。若我周人之正姓出于黄帝有熊氏公孙氏原是少典君之后。因帝生姬水又改为姬也。夫黄帝之子二十五人，虽其以德居官而得姓者十四人。然唯青阳与仓林德肖其父同承本姓为姬氏。而本姓为姬氏而青阳（青阳即少昊金氏名玄器）之曾孙后稷乃邵氏姜源之所生，而为帝尝高辛氏之冢子。敬承父命传继其本姓姬氏，固为遵古制也。厥后太王迁岐号国为周之时，上溯黄帝历年千余计世数朝，以周地为氏族而仍遵古制未尝改也。其姬姓而忘本者，是犹吕尚之为太师乃姓姜而氏吕，秦仲之为大夫乃姓嬴而氏秦也。然而我周人以周为庶姓者，是自古公之邑于周而肇其族氏也。至于平王东迁河南，周文王之后食采东京之成周，平王之后胙土汝川。贞定王之后分封巩洛。固天潢发派而绵绵瓜瓞济济冠裳。其后，周室鼎革，族派之乔迁于东西朔南代有伟人。其为理学名官已不胜书耳。乃予石井派（石井即福建省石井巷也）之鼻祖 维岳公，自河南固始之藉而入闽

为官。（公唐翰林学士，为宣慰使承旨入闕居石井巷）而后朴公（唐末贤儒士）景

公为吴越中书舍人，后宋封通奉大夫希孟公宗理学授国子监四门助教，皆为名宦理学以著。其氏族

也。迨及常安公之迁宁新新宁即长乐县也，公为新宁县司教，其子禄公宋翰林学孙伟公

宋进士官至著公宋解元进士，任朝散郎，以及坦村石门之申公宋进士官朝散郎角公宋进士官著作郎。

清公明洪武举人江西彭泽县丞金公明景泰举人广东潮州府同知行公明嘉靖举人湖广随州分州。若长乐、松潭之肇

公宋关进士为节度使，大贤公宋理宗郡马都尉中孚公宋理宗进士大理寺评事恺公宋理宗为都招讨使。信公

明成化进士为广西金事道心泉公明万历举人为广东潮州通判。其族派之科甲仕宦与为理学者，虽

不啻此数公，而此数公皆足以振家风而荣族著氏也。但予本支

佛公自石门而回居海口镇，而终隐处于浔阳里南院寺即大湖北坂头，读

书乐道不肯屈身元朝，是不忘大宋之皇恩，不沾理学之祖训

也。故予南院支承祖宗家风，即不能功名雀起科甲蝉联，而代

代勤耒耜敦诗书，犹不失为耕读人家也。一旦我家气运幸有蒸

蔚绳祖者，龙光济美昌厥后者，螽斯呈祥名登黄甲，绩载青

史，上报君恩下抚兆民，方可继上代功业而称为周代世家耶。

第溯其发源于熊氏之姬姓而为吾家周氏正姓，虽年世久远而名

人凋，谱传遗失，终不至于单寒莫凭之族，而不能辨其姓氏之

原委。志其祖宗之功绩，以昭明其来历，而流传于无既也。

友高公原上世发派序

凡百家之祖各有所出，若我之汝南周氏，传云文武之后。

然文武之始肇稷，本为姬姓也。彼时所以为周氏者，盖由太王

迁岐，改国为周。及周公食采岐山之周城，平王之子昨土周之汝川，贞定王之后分封于周之巩洛，为东西周二君，而其支派皆称为周氏者。夫古之王侯以国朝之号为氏族，随时而变易也。故国语鲁襄公廿四年云，大禹之王姓曰姒氏曰有夏氏，载四岳之国姓曰姜氏曰有吕。可知氏为庶姓，非若上古之风也。妘媯四大姓世为正姓，百代而不改也。故予之庶姓而为周氏，虽有数派而皆太王之后。先后相传而不诬也。乃若我家周氏中迁之祖，自唐宋以来，或云自光州而入鲁，或云自固始而入鲁，或有分支于江右吴越及我闽省等处。为其特因世远而时遥，累朝鼎革，而无论各族所志分之谱传，即本支祖考尚有纷纭难知其宗派之真详，而况发源之肇基祖。当秦汉以前，尤杳冥而难稽。而我家氏族竟称为周裔者，何也盖发派之初，为百世不迁之肇基祖。子姓代有所传，可以易志而不替。岂若后世中迁之祖考，支派繁多。谱传偶所失，即有难以尽识而分别耶。是以予族之鼻祖维岳公，乃光州固始县之籍。入闽为官，居住石井巷，其后千枝百派，虽东西各有分别，然我家谱序传为天潢发派。本为姬姓犹如赵氏之祖造父，朱氏之祖曹挟，刘氏之祖监明。故我家周氏，总不以年纪久远，而忘其所自出之肇基也。

宗道公原宗祖从朝号为氏族

予闻姓氏之支派，原有所肇始。夫古人固以其所生之地为

正姓，而后或以其国，或以其官，或以其谥而为氏者。盖古之同一姓者，而五世亲尽，而旁支多别为氏族也。虽然亦有因患难，而潜形藏迹，欲免灾祸而及易其氏族耶然予尝稽我族之为周氏者，出自帝喾为高辛氏。本为姬姓厥后古公迁于岐周，以国为氏，方有周家氏族。凡以周为氏，虽皆古公发派。而周之良史，有周阳，鲁之隐者有周丰。此两贤人时地相隔，或为亲派，固不可考而知也。但予族之世系相承，本不由此两贤，而同其派也。盖我家之先人，谱所流传，虽因周室鼎革。其族中之支派，若周果周最周俊周启等，与子姓族姓同避居汝宁府，故称为汝宁之汝南派。而犹不忍别为氏族，仍从国朝之号而为周氏，是不忘为周室之后裔也。犹若陈之公子敬仲，奔齐邦。虽流离困苦，不肯冒认支派，乱其气脉，而必从其本国之称为陈氏。然予之先人，原此意也可知。幸而富贵则显族著氏，固为光宗耀祖。不幸而患难则隐姓埋名，亦当寻源思本。然则予家之宗派而为姬姓周氏者。虽千百世之后，子子孙孙固宜世承不替。苟有不幸之遇，而为忠臣烈士，总不容轻相转易。庶先世一本之脉，不至穷达异境，姓氏辍易，混入族派，与别家之气脉相为浑杂也。

维拔公推原汝南周源流序

我河南汝南周，本为姬姓，原以国为氏。夫姓者女所生也，故古之为姓从母所生。如炎帝之生于姜水，以姜为姓也。大舜

之生姚墟以姚为姓也。而姓之为正姓，是祖考之所流传，以为千古之根源也。顾古者女子称姓，而不称氏。使同姓者虽百代以后，而不为婚姻者所以厚其别也。然则姬之为姓，本自何来，由于少典君之后，有熊氏之国，公孙姓之黄帝也。但黄帝因生长于姬水，而又以姬为姓，其后裔住于南阳郡，而黄帝之孙子满天下，其丽不亿。故其世代传至帝尧乃为伊祁姓。及夏禹之为姒姓，商契之子，姓皆从母所生之兆，而别为一姓也。然我之周人肇于后稷，而后稷乃帝喾之元妃，有郤氏之姜源姜姓各名所生也。自后稷以上，逆及黄帝，厉有数世。其后稷之祖父不犹别支，而另为一姓，而仍为姬姓何为耶。盖古之礼制，惟德肖其父，及嫡嗣者，不改其正姓。所以黄帝之子，惟玄囂与仓林同德于父。帝喾乃玄囂之孙，而后稷者乃帝喾之冢子。其本支所传，固皆以姬为姓，正尊崇古制也。抑氏者人族也，故后之为氏，五世亲尽，而旁支别为氏族。或以其邑，如惠之食采于柳下，则以柳下为氏；或以其居，如惠之居于南宫，则以南宫为氏；或以其谥与字，如子展之后则为展氏。是氏之为庶姓，乃子孙之所旁分，以为万代之族派也。顾古者男子称氏而不称姓，使同氏者虽五代以上而不为同族者，所以别其异也。乃若周之为氏，从于何起原于古公之迁岐改国号曰周，方以周为氏。夫国者疆域也，为天子而牧其民。而氏者族派也，乃子孙而异其支。则是岐山之周，原本为周朝，胡为而乃为周耶，盖诸侯固以国为氏也。是以康叔封于卫则为卫氏，申伯封于

谢、则为谢氏。故史记曰：古者诸侯以国为氏也。所以云我家之族派而为周民者、由于岐周而肇其始也。由此考之，尚书曰锡土以立国，锡姓以立宗也。而左传曰天子因生以锡姓，胙之土而命之氏，是故陈之祖虞舜，生于洧汭则胡公锡为洧氏。齐之祖太公，胙于齐土，则吕伋名为齐氏。可知姓氏原有彰彰可考，而我之周人，本为姬姓周氏其奚疑耶。然而岐周之为国，属于陕西之风翔府。汝南之为郡，属于河南之汝宁府。汝宁在汝水之南，而汝水出于汝州天息山。但我家之祖地，祖河南之汝南，而不祖风翔之岐山者，何也。盖由周氏之族人，凡古公之后，其族多聚于汝南。及周室鼎革，周之正派又有避居于汝南之固始，至汉兴，又封周之嫡派于河南之汝南，故定姓而分郡。所以属汝南而不属岐山也。乃地之名为郡，始于嬴秦氏，而秦私天下废封建，立州郡原为子孙千万世计也。岂若三代之公天下，封列国而设都邑，乃为天下计也。夫为子孙计者，仅传二世。为天下计者历年数百，可知天道无偏。公则久而私则促耳。故我周之姓氏，与立郡之地土召人耳目。犹若比干之后乃为西河林氏；曹侠之后乃为沛国朱氏；文叔之后乃为高阳许氏。诎如辽西之怡氏，南昌之涂氏，淮阴之枚氏，安平之牵氏，皆为百家散姓泯灭无考。难以穷源而朔本也。特是人之支派散处，虽数世之昭穆，尚有置之罔闻。而我之族姓郡邑，乃千古之流传，及且志之谱传，宜乎固有不知者讥为渺茫无据。只有知古者信为确实可凭。然我后人奚顾有知我讥我者，总不

忘其祖考遺流之譜傳志之以示子孫也。

全亮公推究吾族源流序 公为泗州知州

嘗思我家之周族，原以國氏出于文武周公之后而肇基于古公亶父，本為姬姓周氏者，亦猶太公之為姜姓呂氏也。夫姓者為正姓，從其祖所生之地，故太公從其遠祖炎帝生于姜水而為姜姓。固凡為姓者公族所同也，抑氏者為庶姓，從其祖宗所之土。故太公從其近宗呂侯封于呂國而為呂氏。而凡為氏者各支所獨也。若我周之文武周公如何而姓姬，蓋其遠祖黃帝本姓公孫，國于有熊而為有熊氏。因長生于姬水又改為姬姓，與炎帝神農皆為少典國君之后。而黃帝之長子青陽支派，傳之帝嚳后稷皆為傳世嫡嗣。然後稷乃周人之始祖，故其傳姓至文武周公以后亦姓其姬姓，而不若旁支者屬易其正姓也。如何而氏周，蓋其由古公亶父，避狄迂岐，改國曰周，方為周氏。故文武之后，貞定王之子孫，分封東西周為西周君東周君。周公之后食采周邑而為宰周公，其諸上子皆從庶姓而稱為周氏。然我周族之為姬姓周氏者，非自創起而矯異也。由古人原有姓氏，故禮云：男子稱氏別其支分之族也。女子稱姓厚其同宗之派也，所以姓氏之別，如舜帝生于姚墟改姓為姚而朝號有虞氏。故書經注云：虞為舜氏，是天子以朝為氏也，若胡公封諸侯陽姓為妘，而昨土于陳國。故左傳稱其子孫為陳氏。是以諸侯以國號為氏也。願我文武周公之子孫，而為古公亶父之派；或為君文

王；或为侯伯；或为卿大夫；或失国失职而流为庶人，而参差不齐者，由年代久远理势所固然也。缅想彼时周朝之族派散处各地方，其族派或从其正姓而姬姓者，居于河南之南阳府，而为南阳郡。或从庶姓而为周氏者，居于河南之汝宁府而为汝南郡，皆昭昭可考也。是则我汝南族之支派当周室鼎革之后，自汝南郡或迁于东晋；或迁于西秦；或迁于南越；或迁于北燕。普天之下凡为周氏者多为河南籍，而为汝南郡支派，固世之所咸知，不特予之闽省石井周氏。然而石井周氏自唐末之僖宗光启时，始祖翰林学士维岳公，由汝南固始县魏陵乡祥符里，入闽为官。至七世祖希孟公，宋神宗诏赐粟帛试国子监四门助教不就。而卒于家，衍为理学。自此以后我石井周氏族姓，蕃衍而分支于上渡、清江、石门、感恩等处，及我玉融之松潭龙江各支氏族以著，而为河南者不待言而可信耳。

时

天启甲子年春王正月书于龙江稽古堂

南山支鹿石公谱序 公清观城知县

族必有谱，所以隆亲亲广世系也。而必谱先溯其所自出之祖，而后世系真气脉联。吾家之周氏，于三代之末，尝闻曰，秦迁东周君于阳人聚，厥后即以聚族著姓。阳人聚河南汝州，近称者多云濂溪之后，濂溪为宋大儒，以重姓氏，且宋明接代尤易考证。其实宗派所始，不自濂溪先生肇也。夫吾家世称汝

南郡为固始世家，汝南即今之汝宁府固始县也。汉时有周盘明经高行，郡守题其庐曰，有道。有周举博学洽闻为儒者宗，顺帝族以素之节。晋时有周顓，清节重望，戮力晋朝。南北朝又有周顓，乃顓七世孙，为国子监。博学清贫寡欲著四声切韵，凡此皆汝南所产也。宋时有濂溪名敦颐字茂叔，乃楚州水之道州人也。所居有濂溪，宋真宗时著太极图，为世大儒。尝宦南昌处豫诸州。知南康军，爱庐阜之胜，卜筑莲花峰下。前引江水亦以濂溪名。学者因称为濂溪先生云。及歿谥元公封汝南伯。

夫先生虽产于道州，葬于江州。而封者不遗汝南之称，可见先生为汝南派无疑也。盖汝南州俱在汝水之间，而实接壤又见传姓之有自矣。吾族不能忘汝南汝宁，附先生后乎。故吾损庵公

明嘉靖
邑博在嘉靖年间欲于龟山建立先生之祠，至今传据犹在。益见非牵引附和者比矣。而今代之阐扬，有不敢祖濂溪而祖公辟公者

即希孟公宋神宗熙宁
时衍为理学。

何也。公辟公者实闽产也。往牒载唐僖宗光启时为官。入

闽时有维岳公，其后朴公字太朴，不屈黄巢之乱。

公为贼党所杀顶
上涌起白膏数尺

闽人异其为人贤，
而立庙春秋祀之。至宋神宗时，希孟公诏为国子监助教，与陈襄

郑穆陈列为友。唱道海滨，谓闽中四先生。而氏族以著，斯则

派系相承而不诬者也。公辟公居三山剑池边，后有贤公字思圣

号复真，居长乐之小门，居三山者多在上渡，编宗著氏。居小

门者，生二公长必进公次必成公。必成公生五公或迁漳浦或迁

温陵。（即泉州）或迁莆阳，（即莆田）支派蕃衍，起家甲第难以更

仆数。或近在新安方民。即镇东海口两处传宗亦殊所亲历而可纪者，一

日佛公尚清净教徒居融之南院。南院是浔洋里寺后。即我大湖浔洋里之院后也。坂头有古石界

后周石门而迁北坂公高世乱，有三子可属后事遂舍院中。故后来不讳其

称之曰佛公。尚有墓址可凭，佛公和尚墓我南院佛公三子长居南院，支清明祭扫用素物

次善公、三富公迁临江里之寿塘境。寿塘宗祠祖佛公者，盖二

公不忘所自出也。善公再传有江公、瀚公，瀚公聚福塘何氏，

即福塘里东周郭芦地方是为海南公。至明兴则有远祖庆公徙入内地，居海口

龙江者，吾所祀之祖胜采也。夫居寿塘者祖佛公，居福塘者祖

瀚公，而吾居龙江者又祖胜采公。随所分支为祖，义难强同

也。比如江河舒委，万派千枝，东西各别，远近难齐。迨寻源

反始朝宗固不越此一勺矣。

时

顺治丙戌年书

鹿石公肃拜浔洋佛公祖坟序

南院佛公者，吾家之本支鼻祖也。享年九十有四，而字号不详。稽诸谱牒有玄祖贤公，迁长乐石门。在南乡之八都地方至于必成

公，生祖佛公。佛公必成公次子公值元末浊乱，潜身观变。徙居福塘之

浔洋里南院，福塘即福县南院有和尚祖厝地在头公厝边未几又徙于临江里之寿塘，以聚

族焉。其地先有周姓居之，因别之曰后周。祖三子，长朋公次

善公三富公。而长公居南院益不忘始迁也。善、富二公并居寿

塘以处。善一公再传至江公，迁海坛之南山，是为海南公。后奉